



Regulativ da taxas tier la lescha davart il provediment d'aua

Tenor la lescha davart il provediment d'aua, artechel 23, vegn incassau suandontas taxas:

Taxas:

1. Taxa da colligiazion (art. 26)

	acqueducts
<ul style="list-style-type: none">▪ Classa 1 d'objects Edificis cun in grond consum d'aua sco spitals, casas da malsauns, casas d'attempai, casas da tgira, interpresas da loschament (hotels, pensiuns, campadis e.a.v.), ustrias stizuns cun restaurant, cascharias, mazlarias, menaschis da garascha cun indrez da lavar autos pagan ina contribuziun unica da:	2%
<ul style="list-style-type: none">▪ Classa 2 d'objects Edificis cun in mesaun sco casas d'ina famiglia, casas da pliras familias, edificis da commerci (pasternarias, coiffeurs, pratica da miedis e.a.v.) casas da scolas, edificis publics da sport pagan ina contribuziun unica da:	1.5%
<ul style="list-style-type: none">▪ Classa 3 d'objects Edificis cun in pign consum d'aua sco administraziuns, biros, stizuns senza ustria, scrinarias, luvratoris, magasins da victualias, remisas da material, baghetgs d'economia, baghetgs annexs (garaschas, bargias e.a.v.), garaschas sutterranas, edificis industrials, edificis da sport e recreaziun privats pagan ina contribuziun unica da:	1.0%
<ul style="list-style-type: none">▪ Classa 4 d'objects Baselgias e capluttas, museums, bibliotecas pagan ina contribuziun unica da:	0.5%
<ul style="list-style-type: none">▪ Classa 5 Begls/fontaunas privatas, biotops, puoz da curtin, stabiliments da bugnar orts, piazzas da sport eav.	tenor disposiziun individuala minimal frs. 250.-

2. Taxas da consum

2.1 Taxa fundamentala annuala (art. 30)

Quella taxa ha da cuvierer 50% - 75% dils cuosts e vegn quintada sind fundament dil schazetg official indexau. Il promil vegn fixaus dalla suprastonza communal.

- **Classa 1 d'objects**
Edificis cun in grond consum d'aua sco spitals, casas da malsauns, casas d'attempai, casas da tgira, interpresas da loschament (hotels, pensiuns, campadis e.a.v.), ustrias stizuns cun restaurant, cascharias, mazlarias, menaschis da garascha cun indrez da lavar autos pagan ina contribuziun unica da: 0.2‰ - 0.5‰
- **Classa 2 d'objects**
Edificis cun in consum d'aua mesaun sco casas d'ina famiglia, casas da pliras familias, edificis da commerci (pasternarias, coiffeurs, pratica da miedis e.a.v.) casas da scolas, edificis publics da sport pagan ina contribuziun unica da: 0.1‰ - 0.3‰
- **Classa 3 d'objects**
Edificis cun in grond consum d'aua sco administraziuns, biros, stizuns senza ustria, scrinarias, luvratoris, magasins da victualias, remisas da material, baghetgs d'economia, baghetgs annexs (garaschas, bargias e.a.v.), garaschas sutterranas, edificis industrials, edificis da sport e recreaziun privats pagan ina contribuziun unica da: 0.05‰ - 0.2‰
- **Classa 4 d'objects**
Baselgias e capluttas, museums, bibliotecas pagan ina contribuziun unica da: 0.025‰ - 0.1‰
- **Classa 5 d'objects**
Las pauschalas che vegnan fixadas en ina disposiziun individuala entras la suprastonza per singuls edificis senza dumbrader ni cun ina constellaziun speciala en ed ordeifer la zona da baghegiar (begls/fontaunas cun diever privat, biotops, puoz da curtin, stabiliments da bugnar orts e curtins, piazzas da sport e.a.v). Fontaunas cun diever public pagan negina taxa annuala. minimal maximal frs. 50.- frs. 200.-

2.2 Taxa annuala da consum (art. 31)

Quella taxa ha da cuvierer 25%-50% dils cuosts. La tariffa per m³ aua consumada vegn fixada dalla vischnaunca

- tuts implonts colligiai tenor l'indicaziun dil dumbrader frs./m³ 0.20 entochen 1.00 frs./m³
-

3. Affittaziun dil dumbrader d'aua

(Taxa annuala per cuvierer ils cuosts che sedattan ord la cumpra, montascha ed il manteniment dils dumbraders. Quella taxa croda sch'ei vegn gia pagau pil medem dumbrader per la dismessa d'aua).

frs. 30.00 per in dumbrader pign (3/4 - 1 ¼ "Zoll")
frs. 50.00-200.00 per ulteriurs dumbraders (sur 1 ¼ "Zoll")

Quest regulativ ei vegnius approbaus ensemen cun la lescha davart il provediment d'aua a caschun dalla votaziun all'urna dils 30-08-2015 e passa en vigur cun ils 01-01-2016.

Suprastonza communal Trun

Il president

L'actuara